

PERBARISAN BULANAN KOMANDER PU SUBANG BULAN JANUARI 2019

 airforce.mil.my/berita/berita-dari-pangkalan/4401-perbarisan-bulanan-komander-pu-subang-bulan-januari-2019

SUBANG, 22 Jan 19 - Pangkalan Udara Subang telah melaksanakan Perbarisan Bulanan Komander bagi bulan Januari 2019 bertempat di Padang Kawad, Markas Pangkalan. Perbarisan terdiri seramai 5 orang pegawai dan 153 orang anggota lain-lain pangkat (LLP).

Komander Pangkalan, Brig Jen Dato' Hj Muhammad Mudzamir Ong bin Abdullah TUDM telah menyempurnakan kenaikan pangkat kepada 30 anggota LLP serta diiringi oleh Pegawai Memerintah Skuadron dan Ketua Cawang masing-masing.

Acara perbarisan ini telah diteruskan lagi dengan Penyampaian Sijil Penghargaan kepada Penghulu Blok RKAT PU Subang bagi tahun 2018 yang telah bertukar serta melepaskan jawatannya bagi menghargai jasa mereka yang telah mengharumkan nama pangkalan ini dengan kejayaan mengungguli Anugerah RKAT Terbaik TUDM tahun 2018 tempoh hari.

Seterusnya, perbarisan diteruskan lagi dengan penyampaian Sijil Penarafan bagi Pengauditan Pengurusan Kewangan berdasarkan Accountability Index Monitoring System (AIMS) tahun 2018 kepada Ketua Cawang Materiel, Lt Kol Gopalan a/l Manickam TUDM yang telah berjaya menguruskan sumber kewangan di pangkalan ini dan memperolehi penarafan 5 bintang (99.51%) dibawah kategori "Cemerlang", berdasarkan markah AIMS.

Perbarisan diakhiri dengan ucapan oleh Komander Pangkalan yang telah mengucapkan terima kasih diatas usaha dan kejayaan semua anggota menempuh cabaran tahun 2018 yang lalu dan beliau amat berbangga dengan semangat setiakawan yang telah ditunjukkan oleh seluruh warga Pangkalan.





